

明倫彙編

氏族典

周姓部

丘姓部

牛姓音

樓妻 樓姓部

侯姓部

送車
文留
次仿

文水

尊位位

留系衫

壽不

果
周

姓部

林姓部

何

三四—三四八

三四九

三三〇

三五

五

三五

三五四

1111

三五六

三五七

古今圖書集成

中華書局影印



古今圖書集成

中國書局影印

欽定古今圖書集成明倫彙編氏族典

第三百四十四卷目錄

周姓部彙考

隋書 周搖傳

唐書 宰相世系表

鄭樵通志 以國為氏

廖用賢尚友錄 周姓

周姓部列傳一

商

周任

周

周歆

周霄

周佼

周瞻

秦

周文

周叔

漢

周苛

周殷

周繇

周止

周聚

周開方

周簡

周邀

周勝之

周通

周王孫

周丘

周應 高景

周仲居

周建德

周義山

周明

周禹

周萬年

周堪

周共

周庸

後漢

周防

周澤

周暢

周紆

周曼

周栩

周章

周景

周福

周乘

魏

周宣

周亞夫

周仁

周霸

周應 郭侯

周左車

周堅

周平

周廣漢

周廣世

周賜

周慶

周燕

周護

周歆

周黨

周嘉

周循

周榮

周磐

周典

周舉

周舉

周舉

周舉

周舉

周舉

周舉

吳

周瑜

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周賓

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

周泰

氏族典第三百四十四卷

周姓部彙考

隋書

周搖傳

周搖字世安其先與後魏同源初為普乃氏及居洛陽改為周氏

唐書

宰相世系表

周氏出自姬姓黃帝裔孫后稷封於邰其地扶風簪鄉是也后稷子不窋失其官竄於西戎會孫慶節立國於豳其地新平漆縣東北有豳亭是也七世孫古公亶父為狄所逼徙居岐下之周原改國號曰周其地扶風美陽南是也武王克商十一世平王遷都王城河南縣是也平王少子烈食采汝墳烈生懋懋生文文生昇昇生典典生晏晏生安安生弘弘生明明生隱隱生壽壽生容容生休休生雄雄生暉暉生寬寬生員員生成成生邕邕秦滅周并其地遂為汝南著姓生秀秀生仁仁字季房漢興續周之嗣復封為汝墳

侯賜號正公以汝墳下濕徙於安成十子長曰球執金吾生平陵令應應生郎中孝廉道道生五官中郎約約生決曹掾燕裔孫表

永安周氏亦出自決曹掾燕裔九世孫防防十三世孫靈超其先避西晉之亂南徙居未安黃岡

周氏宰相二人允元堉

鄭樵通志

以國爲氏古帝王氏

周氏姬姓黃帝之苗裔后稷棄之後有邵氏曰姜原爲帝嚳元妃出見巨人跡踐之而孕期月生稷初以爲不祥而棄之坎名曰棄好種藝堯聞之舉爲農師舜封於邵號曰后稷邵今武功縣穰城是也邵之總名曰周故國號周后稷卒子不窋立不窋末年夏太康失國稷官遂廢不窋生職乃奔戎狄之間孫公劉復修后稷之業詩人歌之遷於豳今邠州三水有古豳城是也至古公亶父有薰鬻之難去豳居岐商人扶老攜幼盡歸之鄰國亦歸今鳳翔岐山是也至文王始伯諸侯武王光有天下追封古公季歷文王爲王文王都豐武王都鎬豐在未與鄠縣東南鎬在豐之東二十里昭王之時王綱不振乃南巡狩卒於江上穆王得八駿西巡於崑崙之丘以見西王母樂而忘歸徐偃王作亂厲王無道國人畔之出奔于鉅召公周公二相行政號曰共和十四年立厲王之太子靖是爲宣王周室中興其子幽王爲褒姒蠱惑欲立其子伯服而廢申后太子宜咎宜咎奔申申侯與犬戎攻周殺幽王於戲晉文侯與鄭武公迎宜咎于申而立之是爲平王徙居東都王城今西京河南

縣是也平王四十九年魯隱公之元年也敬王又遷成周今洛陽縣是也敬王三十九年獲麟之歲也敬王四十一年春秋終元王以下十有二世二百二十一年報王爲秦所滅黜爲庶人百姓號曰周家因爲氏焉又平王之子別封汝南者亦爲周氏見志猶詳又有周公黑肩之後世爲周卿士又商有太史周任豈其食采於周與又秦相有周恢又有姬氏唐先天中避明皇嫌名改爲周氏又上元中暨佐時準制改爲周氏又代北複姓有賀魯氏改爲周氏又後魏獻帝次兄普乃氏改爲周氏後周改周氏爲車非氏廖用賢尚友錄

周姓

周汝南角音以國爲氏又周平王子封于周者謂之周家望出沛國陳畱

周姓部列傳一

商

周任

按論語註周任古之良史

周

周歆

按左傳僖公三十年衛侯使賂周歆治厯曰苟能納我吾使爾爲卿周治殺元咺及子適子儀公入祀先君周治既服將命周歆先入及門遇疾而死治厯辭

卿

周舍

按尚友錄舍事趙簡子立簡子之門三日三夜簡子使人問之曰子何以教我舍曰願爲謬謂之臣墨筆操牘隨君之後伺君之過而書之

周霄

按孟子註周霄魏人

周最

按史記秦始皇本紀贊六國之士有齊明周最陳軫昭滑樓緩翟景蘇厲樂毅之徒

周倭

周啓

按戰國策昔者周倭以西周善于秦而封于梗陽周啓以東周善于秦而封于平原

周瞻

按大戴禮魏有公子無忌而削地復得趙得蘭相如而秦不敢出安陵任周瞻而國人獨立楚有申包胥而昭王反復齊有田單襄王得其國

秦

周文

按漢書陳勝傳周文陳賢人也嘗爲項燕軍視日事春申君自言習兵勝與之將軍印西擊秦行收兵至關車千乘卒十萬至戲軍焉秦令少府章都免驪山徒人奴產子悉發以擊楚軍大敗之周文走出關止屯曹陽二月餘章都追敗之復走氾池十餘日章都擊大破之周文自刎按高帝本紀註周文名章字文

周市

按漢書魏豹傳陳勝使魏人周市徇魏地魏地已下

欲立周市爲魏王市曰天下昏亂忠臣乃見今天下
共畔秦其誼必立魏王後遇可齊趙使車各五十乘
立市爲王市不受迎魏咎於陳立爲王章邯擊殺周
市咎自殺

周叔

按漢書韓信傳漢王使信擊魏信問酈生魏得毋用
周叔爲大將乎

漢

周苛

按漢書高帝本紀三年夏四月項羽圍漢榮陽漢王
遁令御史大夫周苛守榮陽六月羽拔榮陽城生得
周苛羽謂苛爲我將以公爲上將軍封三萬戶周苛
罵曰若不趣降漢今爲擄矣若非漢王敵也羽亨周
苛

周昌

按漢書周昌傳昌沛人也與從兄苛秦時皆爲泗水
卒史從沛公沛公爲漢王以苛爲御史大夫昌爲中
尉項羽亨苛漢王拜昌爲御史大夫從擊破項籍六
年封汾陰侯高帝欲廢太子昌庭爭之昌爲人吃又
盛怒曰臣口不能言然臣期期知其不可陛下欲廢
太子臣期期不奉詔咸姬子如意爲趙王高祖憂萬
歲之後不全也符璽御史趙堯請置貴璽相呂后太
子素所敬憚者高祖曰誰可堯曰御史大夫昌可於
是徙爲趙相高祖崩太后使使召趙王昌令王稱疾
不行太后乃使使召趙相昌既被徵召趙王至長安
月餘見鳩殺昌謝病不朝見三歲薨諡悼侯

周殷

按漢書高祖本紀五年漢遣人誘大司馬周殷殷畔
楚以舒屠六

周勃

按漢書周勃傳勃卷人徙沛以織薄曲爲生常吹簫
給喪事材官引強高祖爲沛公以中涓從楚懷王封
沛公碭郡長沛公拜勃襄賁令沛公爲漢王賜勃爵
威武侯拜將軍定三秦賜食邑懷德以將軍從擊燕
王臧荼賜爵列侯剖符食終從擊韓王信遷太尉擊
陳豨以相國破盧綰軍勃木彊敦厚高帝以爲可屬
大事高帝崩惠帝六年爲太尉高后崩誅諸呂迎立
代王文帝以爲右丞相居十餘月歸相印許之陳平
卒復用爲丞相率列侯就國人告勃欲反下廷尉太
后以爲無反事乃赦出復爵已就國孝文十一年薨
諡武

周繇

按史記周繇傳繇成侯繇者沛人也常爲高祖參乘
以舍人從起沛至霸上西入蜀漢還定三秦高祖十
二年以爲副成侯上欲自擊陳豨繇副成侯並曰始秦
攻破天下未嘗自行今上常自行是爲無人可使者
乎上以爲愛我孝文五年繇以壽終諡貞侯子昌代
侯有罪國除

周窻

按漢書功臣侯表窻以卒從起碭以連敖入漢以長
鉅都尉擊項籍封隆慮侯三十九年薨諡克

周止

按漢書功臣侯表止以舍人從起沛以郎中入漢爲
周信侯定三秦以爲騎郎將破項籍東城封魏其侯

十八年薨諡殷

周成

按漢書功臣侯表成以父苛死事封高景侯三十九
年孝文後五年謀反下獄死

周聚

按漢書功臣侯表聚以卒從豐以隊率入漢擊項籍
成阜有功爲將軍英布反定吳郡封博陽侯二十四
年薨諡節

周術

按吳縣志術字元道泰伯後漢高帝時與東園公綺
里季夏黃公俱出定太子稱爲四皓一號霸上先生
又曰用里先生

周開方

按漢書功臣侯表孝惠四年汾陰哀侯開方嗣十六
年薨

周信

按漢書功臣侯表信以卒從起單父爲呂后舍人度
呂后爲河南守高后四年封成陰侯十六年薨諡夷

周簡

按漢書功臣侯表高后五年魏其侯簡嗣二十九年
孝景三年謀反誅

周意

按漢書功臣侯表孝文前五年份陰侯意嗣十三年
坐行昧髡爲城旦

周邀

按漢書功臣侯表孝文九年博陽侯邀嗣十五年孝
景元年有罪奪爵一級

周勃

按漢書功臣侯表孝文十二年成陰侯勃嗣十五年有罪免

周勝之

按漢書周勃傳勃薨子勝之嗣尚公主不相中坐殺人死

周亞夫

按漢書周勃傳勃子勝之坐殺人死國絕文帝擇勃子賢者皆推亞夫迺封爲條侯文帝後六年匈奴大入邊以亞夫爲將軍軍細柳以備寇上自勞軍不得入于是使使持節詔將軍乃開壁門天子按轡徐行成禮而去稱善者久之迺拜亞夫爲中尉孝景帝三年吳楚反亞夫以中尉爲太尉東擊吳楚因自請上曰楚兵剽輕難與爭鋒願以梁委之絕其食道乃可制也上許之亞夫會兵滎陽走昌邑深壁而守吳楚餓馮引去亞夫出精兵追擊盡擄之五歲遷爲丞相景帝甚重之上廢栗太子亞夫固爭之不得上由此疏之而梁孝王每朝常與太后言亞夫之短頃之上居禁中召亞夫賜食不置箸亞夫心不平願謂尚席取箸上視而笑曰此非不足君所乎亞夫免冠謝趨出上目送之曰此執執非少主臣也居無何亞夫爲父買尚方甲楯可以葬者取庸苦之上變告事連亞夫入廷尉不食五日死上乃更封勃它子堅爲平曲侯傳子建德爲太子太傅後有罪國除至平帝元始二年復封勃元孫之子恭爲絳侯千戶

周通

按漢書功臣侯表孝文後二年隆慮侯通嗣十二年

有罪髡爲城旦

周仁

按漢書周仁傳仁其先任城人以醫見景帝爲太子時爲舍人遷大中大夫景帝立拜郎中令仁陰重不泄常衣弊補衣以是得幸入臥內家徙陽陵景帝再自幸其家武帝立病免以二千石祿歸老子孫咸至大官

周王孫

按漢書儒林傳田何授易東武王同雒陽周王孫皆著易傳數篇

周霸

按漢書儒林傳田何授易東武王同授魯周霸霸以易至大官

周丘

按漢書吳王濞傳濞反賓客皆爲將獨周丘不用丘下邳人無行王薄之丘上謁請一漢節必有以報王予之丘夜馳入下邳召令斬之召所善豪吏告曰吳兵且至屠下邳今先下必完能者封侯至矣出相告一夜得三萬人報吳王遂將其兵至城陽兵十餘萬聞王敗走引兵歸下邳癰發背死

周應

按漢書功臣侯表鄒成侯昌有罪免孝景中元年應以昌弟紹封鄆侯一年薨諡康

周應

按漢書功臣侯表高景侯成謀反死孝景中元年侯應以成孫紹封

周左車

按漢書功臣侯表孝景中二年左車以昌孫紹封安陽侯建元元年有罪免

周仲居

按漢書功臣侯表孝景中三年鄆侯仲居嗣三十四年元鼎三年坐爲太常收赤側錢不收完爲城旦

周堅

按漢書功臣侯表孝景後元元年堅以勃子紹封平曲侯十九年薨諡共

周建德

按漢書功臣侯表元朔五年平曲侯建德嗣十二年元鼎五年坐耐金免

周平

按漢書功臣侯表高景侯平嗣元符四年坐爲太常不繕園屋免

周義山

按尚友錄義山字季道汝陰人丞相勃之後父祕爲陳留刺史義山年十六讀書外常以平旦日出時東向嗽咽服氣百數經年父問之對曰義山中心好此日光長景之暉是以服之是歲陳留荒多饑民義山傾家財以濟之有黃泰者元鳳中寓陳留著敗衣賣芒屨義山見之曰聞仙經云仙人目方面光密奇之使人買芒屨常以金帛著物中陰以與之泰後詣義山延之靜室泰曰聞君好道陰德流行感於我我是以相詣我中嶽仙人蘇子元也義山再拜膝行而進自陳少好長生今靈啓降神得接聖顏乃請出奇要仙人遂授以長生之道義山入蒙山遇羨門子再拜乞長生之訣羨門子曰子名在丹臺玉室何憂不仙後

義山爲紫陽真人白日昇天

周廣漢

按漢書功臣侯表元康四年絳侯勃曾孫槐里公乘廣漢詔復家

周明

按漢書功臣侯表元康四年汾陰侯昌曾孫沃侯國士伍明詔復家

周廣世

按漢書功臣侯表元康四年魏其侯止元孫長陵不更廣世詔復家

周禹

按漢書功臣侯表元康四年鄆成侯繆曾孫長安公士禹詔賜黃金十斤復家死子復免

周賜

按漢書功臣侯表元康四年高景侯成元孫長安公大夫賜詔復家

周萬年

按漢書功臣侯表元康四年博陽侯聚曾孫長陵公乘萬年詔復家

周慶

按漢書儒林傳梁周慶幼君從榮廣受穀梁春秋甘露元年與諸儒論公羊穀梁同異爲博士

周堪

按漢書儒林傳堪字少卿齊人事夏侯勝受尚書爲譯官令論於石渠經最高爲太子少傅元帝卽位爲光祿大夫與蕭望之竝領尚書事爲石顯所譖免官望之自殺帝愍之擢堪光祿勳

周燕

按後漢書周嘉傳嘉高祖父燕宣帝時爲郡決曹掾太守欲枉殺人燕諫不聽囚家守關稱冤詔遣覆考燕見太守曰願悉以罪推燕乃收繫獄屢被掠楚辭無屈撓當下蠶室乃嘆曰我平王之後正公元孫豈可以刀鋸之餘下見先君遂不食而死

周共

按漢書功臣侯表元始元年絳侯共以勃元孫紹封

周護

按漢書功臣侯表元始元年鄆成侯繆元孫護以詔書爲次復禹同產弟子死亡子絕

周庸

按漢書游俠傳陳周庸以豪聞

周歆

按漢書王莽傳莽以周歆爲牂牁大尹詐殺句町王邯邯弟匡攻殺歆

後漢

周防

按後漢書周防傳防字偉公汝南汝陽人父揚少孤微常修逆旅以供過客而不受其報防年十六仕郡小吏世祖巡狩汝南召掾史試經防尤能誦讀拜爲守丞防以未冠謁去舉孝廉拜郎中太尉張禹薦補博士稍遷陳留太守坐法免卒於家

周黨

按後漢書周黨傳黨字伯况太原廣武人也鄉佐嘗衆中辱黨黨懷之後讀春秋聞復讎之義便輟講而還與鄉佐相聞期尅闕日爲所傷鄉佐服其義與歸

養之自此勒身修志州里稱其高及王莽竊位託疾杜門建武中徵爲議郎以病去職遂將妻子居睢池復被徵自陳願守所志帝乃許焉隱居睢池著書上下篇而終

周澤

按後漢書周澤傳澤字穉都北海安丘人也隱居教授建武末徵試博士中元元年遷睢池令永平十年拜太常澤果敢直言數有據爭後北地太守廖信坐貪穢沒入財產顯宗以信臧物班諸廉吏唯澤及光祿勳孫堪特蒙賜焉堪字子穉行類於澤故京師號曰二穉十一年以澤行司徒事數月復爲太常盡敬宗廟常臥病齋宮其妻哀澤老病關問所苦澤大怒以妻干犯齋禁遂收送詔獄謝罪當世疑其詭激建初中致仕卒於家

周嘉

按後漢書周嘉傳嘉字惠文汝南安城人也仕郡爲主簿王莽末羣賊入汝陽城嘉從太守何敞討賊敞爲流失所中郡兵奔北嘉乃擁散以身扞之因呵賊賊相視曰此義士也給其車馬遣送之後太守寇恂舉爲孝廉拜尚書侍郎光武引見問以遭難之事嘉對曰太守被傷臣實爲怯不能死難帝曰此長者也稍遷零陵太守視事七年卒

周暢

按後漢書周嘉傳嘉從弟暢字伯持性仁慈爲河南尹末初二年夏旱久晴無應暢因收葬洛城傍客死骸骨凡萬餘人應時澍雨歲乃豐稔位至光祿勳

周循

按後漢書楊厚傳厚祖父春卿善圖識學臨命戒于統曰吾綿表中有先祖所傳祕記爲漢家用爾其修之統感父遺言從健爲周循學習先法

周紆

按後漢書周紆傳紆字文通下邳徐人也刻削少恩好韓非之術永平中補南行唐長穀縣中九無狀者數十人遷博平令收考姦賊無出獄者建初中爲渤海太守每赦令到郡輒隱閉不出先遣使屬縣盡決刑罪乃出詔書坐徵詣廷尉免歸紆廉潔無資常築塹以自給肅宗聞而憐之復以爲郎再遷召陵侯相徵拜洛陽令下車先問大姓主名於是部吏望風旨爭以激切爲事貴戚踴踏京師肅清八年免官永元五年復徵爲御史中丞六年夏旱車駕自幸洛陽錄囚徒二人被掠生蟲坐左轉騎都尉七年遷將作大匠九年卒於官

周榮

按後漢書周榮傳榮字平孫廬江舒人也肅宗時舉明經辟司徒袁安府安數與論議甚器之及安舉奏寶景與寶憲爭立北單于事皆榮所具草寶氏客徐訥深惡之寶榮榮曰蒙先帝大恩縱爲寶氏害誠所甘心常救妻子若卒遇飛禍無得殯殮冀以區區腐身覺悟朝廷及寶氏敗榮由此顯名自鄧令擢爲尚書令出爲潁川太守復爲山陽太守皆見稱紀以老病乞身卒於家子男典爲郎中

周燮

按後漢書周燮傳燮字彥祖汝南安城人法曹掾燕之後也燮生而醜狀駭人始在髮髻而知廉讓十歲

就學能通詩論及長專精禮易不讀非聖之書舉孝廉賢良方正特徵皆以疾辭延光二年安帝以元纁羔幣聘燮因自載到潁川陽城遣生送敬遂辭疾而歸年七十餘終

周磐

按後漢書周磐傳磐字堅伯汝南安城人徵士燮之宗也祖父業建武初爲天水太守磐少遊京師好禮有行非典謨不言諸儒宗之和帝初拜謁者除任城長遷陽夏重合令皆有惠政後思母棄官歸鄉里及母歿遂廬於家側教授門徒常千人公府三辟皆以有道特徵不應建光元年年七十三歲終

周栩

按後漢書東平憲王蒼傳初蒼歸國驃騎時吏丁牧周栩以蒼敬賢下士不忍去之遂爲王家大夫數十年事祖及孫帝聞怒其淹滯擢拜議郎收至齊相栩上蔡令

周興

按後漢書周榮傳榮子興少有名譽陳忠上疏薦興曰光祿郎周興孝友之行著於閭門清厲之志聞於州里蘊匱古今博物多聞屬文著辭有可觀採

周章

按後漢書周章傳章字次叔南陽隨人也初仕郡爲功曹時大將軍竇憲免就國章從太守行春太守欲謁之章進諫不聽遂升車章前拔佩刀絕馬鞅乃止及憲被誅公卿多以交關得罪太守幸免以此重章舉孝廉六遷爲五官中郎將末初元年爲太常其冬爲司空初和帝崩鄧太后以皇子勝有痼疾貪殤帝

孩抱故立之以勝爲平原王及殤帝崩羣臣以勝疾非痼意咸歸之太后恐後爲怨乃立安帝章以衆心不附密謀誅鄧騭兄弟廢太后而立平原王事覺自殺家無餘財

周舉

按後漢書周舉傳舉字宣光汝南汝陽人陳留太守防之子舉姿貌短陋而博學洽聞爲儒者所宗故京師爲之語曰五經縱橫周宣光延光四年辟司徒李邵府時宦豎孫程等既立順帝誅滅諸閹議郎陳禪以爲閹太后與帝無母子恩宜徙別館舉謂邵曰太后幽在離宮一旦不虞主上將何以令於天下邵即上疏陳之明年正月帝乃朝於東宮太后由此以安後爲平丘令上書言當世得失辭甚切正稍遷并州刺史太原舊俗以介子推焚骸有龍忌之禁舉乃作弔書置子推廟以宣示愚民於是衆惑稍解轉冀州刺史陽嘉三年徵拜尚書是歲河南三輔大旱天子親自露坐德陽殿東廂請雨又下司隸河南禱祀河神名山大澤詔書以舉才學優深特下策問舉對以爲宜出後宮不御之女理天下冤枉之獄因召見舉遷司隸校尉未和中出爲蜀郡太守坐事免大將軍梁商疾篤言周舉清高忠正可重任由是拜舉諫議大夫時連有災異帝思商言召舉於顯親殿問以變書遣八使巡行風俗皆選素有威名者拜舉侍中舉於是劾奏貪猾表薦公清朝廷稱之遷河內太守徵爲大鴻臚建和三年卒子賜

周景

按後漢書周榮傳榮孫景字仲饗辟大將軍梁冀府

稍遷河內太守拔才薦善常恐不及每至歲時延請

舉吏入上後堂與共宴會如此數四乃遣之先是司徒韓演在河內志在無私舉吏當行一辭而已故當時論者議此二人景後徵入為將作大匠及梁冀誅景以故吏免官頃之復引拜尚書令遷太僕衛尉六年代劉寵為司空是時官官任人及子弟充塞列位景初視事與太尉楊秉奏諸姦猾自將軍牧守以下免者五十餘人遂連及中常侍防東陽侯侯覽武陽侯其爰皆坐黜朝廷莫不稱之視事二年以地震策免歲餘復代陳蕃為太尉建寧元年薨長子崇至

甘陵相中子忠少歷列位累遷大司農忠子暉前為洛陽令去官賜歸兄弟好賓客雄江淮間出入從車常百餘乘後代皇甫嵩為太尉以災異免復為衛尉從獻帝東歸洛陽

周舉

按後漢書周舉傳舉子總字巨勝少尚元虛以父任為郎自免歸舉孝廉復以疾去時梁冀貴盛被其徵命者莫敢不應唯總前後三辟竟不能屈常隱處窻身暮老明清淨杜絕人事至延熹二年乃開門延賓游談宴樂及秋而梁冀誅年終而舉卒

周福

按萬姓統譜福字仲進甘陵人桓帝徵時受學于福及即位擢為尚書時語曰因師獲印周仲進由是甘陵有南北部

周舉

按尚友錄舉安人高潔之士也前後郡守招命皆莫肯至惟陳蕃為太守能致焉蕃每見舉字而不名

特為設一榻去則懸之

周乘

按尚友錄乘字子居汝南人為交州刺史上書云交州絕域習俗貪濁疆宗聚姦長吏肆役侵漁萬民臣欲為聖明掃靖一方時屬城解綬三十餘人乘天姿聰明高峙嶽立非陳仲舉黃叔度之儔則不交仲舉常嘆曰若周子居者真治國之器譬諸寶劍則世之干將

周羣

按蜀志周羣傳羣字仲直巴西閬中人也父舒字叔布少學術於廣漢楊厚羣少受學於舒於庭中作小樓家富多奴常令奴更直於樓上視天災纔見一氣即白羣羣自上樓觀之不避晨夜故凡有氣候無不見之者是以所言多中州牧劉璋辟以為師友從事先主定蜀署儒林校尉先主欲與曹公爭漢中問羣羣對曰當得其地不得其民也若出偏軍必不利後悉如羣言於是舉羣茂才羣卒子巨頗傳其術

魏

周宣

按魏志周宣傳宣字孔和樂安人也文帝夢青氣自地屬天宣曰天下當有貴女子寃死是時帝已遣使賜甄后璽書聞宣言而悔之遣人追使者不及以宣為中郎屬明帝末卒

周昕

按會稽典錄昕字大明少游京師師事太傅陳蕃博覽羣書明於風角善推災異辟太尉府舉高第稍遷丹陽太守曹公起義兵昕前後遣兵萬餘人助公征

周瑜

按吳志周瑜傳瑜字公瑾廬江舒人從祖父景景子忠皆為漢太尉父異洛陽令瑜長壯有姿貌初孫堅與義兵討董卓徙家於舒堅子策與瑜同年獨相友善瑜推道南大宅以舍策升堂拜母瑜從父尚為丹陽太守瑜往省之會策將東渡到歷陽馳書報瑜瑜將兵迎策還吳是歲建安三年也授建威中郎將瑜時年二十四吳中皆呼為周郎五年策薨權統事瑜以中護軍掌衆事十三年春權討江夏瑜為前部大督其年九月曹公入荊州劉琮舉衆降時劉備為曹公所破欲引南渡江與魯肅遇於當陽遂共圖計因進往夏口遣諸葛亮詣權權遣瑜及程普等與備併力逆曹公遇於赤壁曹軍敗退權拜瑜偏將軍領南郡太守屯據江陵是時劉璋為益州牧外有張魯寇侵瑜乃詣京見權乞與奮威俱進取蜀權許之瑜還江陵為行裝而道於巴丘病卒時年三十六瑜兩男一女女配太子登男循尚公主拜騎都尉有瑜風早卒循弟引初拜興業都尉妻以宗女授兵千人屯公安黃龍元年封都鄉侯後以罪徙廬陵郡病死瑜兄子峻亦以瑜元功為偏將軍

周泰

按吳志周泰傳泰字幼平九江下蔡人也隨孫策為左右服事恭敬數戰有功權愛其為人請以自給策討六縣山賊權住宣城意忽略不治圍落賊數千人卒至權始得上馬而鋒刃已交於左右或砍中馬鞍

伐袁術之在淮南也昕惡其淫虐絕不與通

吳

周倫

按吳志周倫傳瑜字公瑾廬江舒人從祖父景景子忠皆為漢太尉父異洛陽令瑜長壯有姿貌初孫堅與義兵討董卓徙家於舒堅子策與瑜同年獨相友善瑜推道南大宅以舍策升堂拜母瑜從父尚為丹陽太守瑜往省之會策將東渡到歷陽馳書報瑜瑜將兵迎策還吳是歲建安三年也授建威中郎將瑜時年二十四吳中皆呼為周郎五年策薨權統事瑜以中護軍掌衆事十三年春權討江夏瑜為前部大督其年九月曹公入荊州劉琮舉衆降時劉備為曹公所破欲引南渡江與魯肅遇於當陽遂共圖計因進往夏口遣諸葛亮詣權權遣瑜及程普等與備併力逆曹公遇於赤壁曹軍敗退權拜瑜偏將軍領南郡太守屯據江陵是時劉璋為益州牧外有張魯寇侵瑜乃詣京見權乞與奮威俱進取蜀權許之瑜還江陵為行裝而道於巴丘病卒時年三十六瑜兩男一女女配太子登男循尚公主拜騎都尉有瑜風早卒循弟引初拜興業都尉妻以宗女授兵千人屯公安黃龍元年封都鄉侯後以罪徙廬陵郡病死瑜兄子峻亦以瑜元功為偏將軍

明倫彙編氏族典第三百四十四卷周姓部

第三六六冊 之〇四葉

衆莫能自定惟秦奮激沒身衛權賊既解散身被十二創良久乃蘇策深德之補春穀長後與周瑜拒曹公於赤壁曹公出濡須秦復赴擊曹公退留曹濡須拜平國將軍時朱然徐盛等皆在所部並不伏也權特爲案行至濡須鄣因會諸將大爲酣樂權自行酒到秦前命秦解衣權手自指其創痕其明日遣使者授以御蓋於是盛等乃伏後拜漢中太守封陵陽侯黃武中卒子邵以騎都尉領兵曹仁出濡須戰有功又從攻破曹休進位裨將軍黃龍二年卒弟承領兵襲侯

周賓

按萬姓統譜賓陽羨人少折節吳初召爲諮議參軍舉郡上計掾州辟從事別駕步兵校尉光祿大夫廣平太守子曰魴

周魴

按吳志周魴傳魴字子魚吳郡陽羨人也少好學舉孝廉爲寧國長遷丹陽西部都尉黃武中鄱陽大帥彭綺作亂攻沒屬城乃以魴爲鄱陽太守與胡綜戮力攻討生擒綺送武昌加昭義校尉被命密求山中舊族名帥爲北敵所聞知者令譎挑魏大司馬楊州牧曹休魴答恐民帥小醜不足仗任遣親人齎牋七條以誘休因別爲密表以聞休果信魴帥步騎十萬徑入皖魴亦合衆隨陸遜橫截休斬獲萬計魴初建密計時頗有郎官奉詔詰問諸事魴乃詣部郡門下因下髮謝故休聞之不復疑慮事捷軍旋權大會諸將歡宴酒酣謂魴曰君下髮載義成孤大事賜爵關內侯賊帥董嗣負阻劫鈔魴遣間謀授以方策誘殺

嗣嗣弟怖懼詣武昌降於陸遜由是數郡無復憂惕魴在郡十三年卒子處亦有文武材幹天紀中爲東觀令

晉

周浚

周馥

周處

周玘

周札

周恢

周訪

周顗

周嵩

周謨

周該

周崎

周騶

周彝

周筵

周閔

周撫

周光

周翼

周楚

周仲孫

周瓊

周城

宋

周朗

周續之

周靈甫

南齊

周山圖

周盤龍

周顒

周洽

梁

周捨

周興嗣

陳

周文育

周鐵虎

周敷

周炅



周弘正

周弘讓

周弘直

周迪

周寶安

周確

周碧

北魏

周綏

周觀

周澹

周豆

周驢駒

周安國

北周

周惠達

隋

周搖

周羅睺

周法尚

唐

周積

周允元

周興

周思茂

周利貞

周憬

周待選

周智光

周巨物

周曾

周堉

周傑

周寶

周繇

周朴

周隱

周本

後唐

周德威

周知裕

周仲明

後晉

周彬

周宗

周密

氏族典第三百四十五卷

周姓部列傳二

晉

周浚

按晉書周浚傳浚字開林汝南安成人也父裴少府卿浚性果烈有人倫鑒識仕魏累遷御史中丞拜折衝將軍隨王渾伐吳以功封成武侯移鎮秣陵遷侍中武帝問浚卿宗後生稱誰爲可答曰臣叔父子恢稱重臣宗從父子馥稱清臣宗帝並召用浚轉少府後代王渾爲使持節都督揚州諸軍事安東將軍三子顗嵩謨

周馥

按晉書周馥傳馥字祖宣浚從父弟也父蕤安平太守馥起家爲諸王文學王渾表請補尚書郎稍遷司徒左長史吏部郎轉御史中丞侍中拜徐州刺史惠帝幸鄴成都王顗以馥守河南尹東海王越迎大駕遷司隸校尉假節都督諸軍事於滎池帝還宮出爲平東將軍都督揚州諸軍事與周玘等討陳敏以功

封末寧伯觀自經世故每欲維正朝廷忠情懇至以東海王越不盡臣節每言論屬然越深憚之觀覩羣賊孔熾洛陽孤危乃建策迎天子遷都壽春永嘉四年上書以不先白越越怒舉兵襲之爲觀所敗求救於元帝帝遣甘卓郭逸攻觀于壽春觀衆潰奔于項爲新蔡王確所拘發病卒于密矯密字泰元性虛簡時人稱爲清士位至尚書郎矯字正元亦有才幹

周處

按晉書周處傳處字子隱義興陽羨人也父魴吳郡陽太守處仕吳爲東觀左丞及吳平入洛稍遷新平太守轉廣漢太守以母老罷歸尋徵拜散騎常侍遷御史中丞凡所糾劾不避寵戚梁王彤違法處深文按之及氏人齊萬年反朝臣惡處強直乃使隸夏侯駿西征旣而梁王彤爲大將軍都督關中諸軍事處知彤必當陷己乃悲慨卽路志不生還時賊屯梁山有衆七萬而駿逼處以五千兵擊之彤復促令速進而絕其後繼處遂力戰而沒諡曰孝有三子玕靖札靖早卒玕札並知名

周玘

按晉書周處傳處子玘字宣佩強毅沉斷有父風士友咸敬憚焉太安初妖賊張昌等聚衆于江夏別率封雲攻徐州石冰攻揚州玘潛結江東人士同起義兵攻冰于建康冰北走投封雲雲司馬張統斬雲冰以降玘不言功賞散衆還家陳敏反于揚州以玘爲安豐太守玘與顧榮甘卓等以兵攻敏斬之元帝初鎮江左以玘爲倉曹屬吳興人錢璠謀反玘復率合鄉里義衆討斬之傳首建康帝以玘行吳興太守封

烏程縣侯玘字族強盛人情所歸帝疑憚之于時中州人士佐佑王業而玘自以爲不得調內懷怨望乃陰謀誅諸執政事泄遂憂憤發背而卒諡忠烈

周札

按晉書周處傳處子札字宣季性矜險好利以討錢璠功賜爵漳浦亭侯徐夬平改東遷縣侯轉右將軍都督石頭水陸軍事王敦舉兵攻石頭札開門應敦故王師敗績敦轉札爲光祿勳尋補尚書時札兄靖子懋懋弟筵筵弟贊贊弟緒次兄子騭一門五侯並居列位吳士貴盛莫與爲比王敦深忌之時有道士李脫者妖術惑衆號李八百敦使盧江太守李恆告札及其諸兄子與脫謀圖不軌畫掩殺札兄弟子旌而遣軍會稽襲札見殺札長子潛太宰府掾次子稚察孝廉不行

周恢

按晉書賈充傳充外孫韓謐好學有才思繼佐命之後開閣延賓海內輻輳汝南和郁周恢皆傳會于謐

周訪

按晉書周訪傳訪字士達本汝南安成人也漢末避地江南至訪四世吳平因家廬江尋陽焉祖纂吳威遠將軍父敏左中郎將訪少沉毅謙而能讓爲縣功曹元帝渡江命參鎮東軍事尋以爲揚烈將軍領兵屯尋陽討華軼斬之遂平江州爲振武將軍進龍驤將軍王敦表爲豫章太守賜爵尋陽縣侯敦以訪勳業隆重患之而憚其疆雖懷逆謀終訪之世未敢爲非太興三年卒諡曰壯二子撫光

周顗

按晉書周顗傳顗字伯仁浚之子也少有重名襲父爵武城侯拜祕書郎累遷尚書吏部郎元帝初鎮江左請爲軍諮祭酒出爲荊州刺史召爲揚武將軍中興建補吏部尚書頃之以醉酒爲有司所糾白衣領職太興初更拜太子少傅轉尚書左僕射尋爲護軍將軍初顗以雅望獲海內盛名後頗以酒失爲僕射略無醒日時人號爲三日僕射及王敦構逆王師敗績與戴若思俱被收遂於石頭南門外石上害之敦素憚顗每見顗輒面熱雖復冬月扇面手不得休敦使繆坦籍顗家收得素簾數枚盛故絮而已酒五甕米數石在官者服其清約敦卒後諡曰康子閔恬頤

周嵩

按晉書周浚傳浚子嵩字仲智元帝作相引爲參軍及帝爲晉王又拜奉朝請嵩上疏謂宜崇謙讓之美推後己之誠由是忤旨出爲新安太守嵩怏怏不悅在侍中戴邈坐褒貶朝士又詆毀邈帝怒收付廷尉以顗方貴重隱忍久之拜御史中丞是時帝以王敦勢盛漸疎忌王導等嵩上疏言之故導等獲全王敦旣害顗使人弔嵩嵩曰匹兄天下人爲天下人所殺復何所弔敦甚銜之懼失人情用爲從事中郎密使妖人李脫誣嵩及周筵潛相署置遂害之嵩精於事佛臨刑猶於市誦經云

周謨

按晉書周浚傳浚子謨以顗故頻居顯職王敦死後詔贈戴若思謨王承等而未及顗謨上疏言之追贈顗官謨歷少府丹陽尹侍中中護軍封西平侯卒諡曰貞

周該

按晉書周該傳該天門人也性果烈以義勇稱叔父級爲宜都內史聞譙王承立義湘州甘卓又不同王敦之舉而書檄不至級謂該申款於譙王該欣然奉命潛至湘州與承相見口陳至誠會王敦遣其將魏又圖承甚急該聞出反命爲人所執考之至死竟不言其故級由是獲免王敦之難

周崎

按晉書周崎傳崎邵陵人也爲湘州從事王敦之難譙王承使崎求救於外爲魏又值人所執又謂崎曰汝爲我語城中外援理絕我當活汝崎僞許之既到城下大呼曰王敦軍敗於湖努力堅守賊今散矣又於是數而殺之

周勵

按晉書周勵傳勵子玘玘子綱字彥和終於臨淮太守

周彝

按晉書周處傳處子玘玘子彝少知名元帝辟爲丞相掾早亡

周筵

按晉書周處傳處子靖靖子筵卓犖有才幹拜征南將軍徐覆之役筵族兄續亦聚衆應之元帝遣筵殺續筵因欲誅總札拒不許委罪於從兄邵誅之遷太子右衛率及王敦作難筵聞札開城納敦憤咤慷慨形於辭色尋遇害

周閔

按晉書周顗傳顗子閔字子喬方直有父風歷衡陽

建安臨川太守侍中中領軍吏部尚書左僕射轉護軍領祕書監卒諡曰烈無子以弟頤長子琳爲嗣仕至東陽太守琳子文驃騎諮議參軍

周撫

按晉書周訪傳訪子撫字道和彊毅有父風而將御不及王敦命爲從事中郎敦敗亡走入蠻中明年詔原敦黨咸和初爲江夏相蘇峻作逆率所領從溫嶠討之峻平遷監河北軍事鎮襄陽末和初桓溫征蜀撫鎮彭模以功遷平西將軍進爵建城縣公升平中進鎮西將軍與軍三年卒諡曰襄子楚嗣

周光

按晉書周訪傳訪子光少有父風王敦以爲軍遠將軍尋陽太守及敦舉兵光率千餘人赴之既至敦已死光見其兄撫曰王公已死兄何爲與錢鳳作賊其夕衆散光捕鳳詣闕贖罪故得不廢蘇峻作逆隨溫嶠力戰有功峻平賜爵曲江男卒官

周翼

按萬姓統譜翼郗鑒外甥少遇饑亂賴鑒得存郗亡翼爲郗縣令解職歸心喪終三年後歷青州刺史少府卿

周楚

按晉書周訪傳訪子撫撫子楚字元孫起家參征西軍事從父入蜀拜鷹揚將軍楚爲太守父卒襲爵建城公世在梁益甚得物情太和中卒諡曰定子瓊嗣

周仲孫

按晉書周訪傳訪子光光子仲孫與寧初督寧州軍事桓溫以梁益多寇周氏世有威稱復除仲孫監益

豫梁三郡寧康初楊安寇蜀仲孫失守免官後徵爲光祿勳卒

周瓊

按晉書周訪傳訪子撫撫子楚楚子瓊勁烈有將略歷數郡代楊亮爲梁州刺史建武將軍尋卒子城嗣

周城

按晉書周訪傳瓊子城字孟威少有節操州召爲祭酒後歷位至西夷校尉領梓潼太守寧康初苻堅將楊安寇梓潼城遣步騎送母妻從漢水將抵江陵爲堅將朱彤邀獲城遂降於安堅欲以爲尚書郎不受太元三年潛至漢中堅追得之後又與堅兄子苟謀襲堅事泄堅引城問狀城曰生爲晉臣死爲晉鬼遂徙於太原以疾卒

宋

周朗

按宋書周朗傳朗字義利汝南安成人也祖文黃門侍郎父淳宋初官至侍中太常兄嶠尚宣城德公主以貴戚顯官元嘉末爲吳興太守賊劭弑立隨王誕舉義回惑不知所從爲府司馬丘珍孫所殺朗少而愛奇雅有風氣初爲太子舍人又爲江夏王義恭太尉參軍元嘉二十七年朝議遣義恭北討朗聞之解職起爲通直郎世祖即位除建平王宏中軍錄事參軍時普責百官譴言朗上書忤旨自解去職又除太子中舍人出爲廬陵內史丁母艱有孝性每哭必慟其餘頗不依居喪常節大明四年上使有司奏其無禮請加收治詔鑲付邊郡於道殺之子仁昭順帝昇明末爲南海太守

周續之

按宋史周續之傳續之字道祖廬門廣武人也其先過江居豫章建昌縣豫章太守范甯於郡立學續之詣甯受業通五經并緯候名冠同門既而閒居讀老易入廬山事沙門釋慧遠時彭城劉遺民遁迹廬山陶淵明亦不應徵命謂之尋陽三隱高祖之北討世子居守迎續之館于安樂寺延入講禮月餘復還山江州刺史劉柳薦之辟爲太尉掾不就景平元年卒無子兄子景遠有續之風泰始中爲晉安內史

周靈甫

按廣東通志靈甫增城人有膂力善武藝慷慨大義仕至南江督護魯國孔默之刺史廣州時雅愛之其子熙先有雋才復善靈甫元嘉中熙先攜靈甫至建康薦之得官累遷伏波將軍後熙先謀立彭城王義康以錢六十萬使靈甫于廣州合兵靈甫知諫不從乃長往不返熙先尋就擒靈甫聞之縱酒憤歎盡散所與錢以贖貧者而謂人曰負人之託不信敗人之事不忠失忠與信吾視然人矣遂扼腕而死

南齊

周山圖

按南齊書周山圖傳山圖字季寂義興義鄉人也少貧微備書自業爲吳郡晉陵防郡隊主宋孝武伐太初山圖豫勳賜爵關內侯泰始初爲殿中將軍五年以爲龍驤將軍歷陽令豫章賊張鳳聚衆康樂山明帝遣山圖討之山圖擊斬鳳除寧朔將軍元徽二年遷步兵校尉太祖輔政山圖密啓沈攸之有異圖宜深爲之備攸之事起世祖爲西討都督啓山圖爲

軍副授前將軍攸之敗還都遷游擊將軍建元元年封廣晉縣男世祖踐阼甚見親信永明元年卒

周盤龍

按南齊書周盤龍傳盤龍北蘭陵蘭陵人也膽氣過人便弓馬泰始初隨軍討赭圻賊累至龍驤將軍封晉安縣子太祖卽位進號右將軍建元二年賊寇壽春以盤龍爲軍主奮擊陷陣賊衆大敗由是名播北國永明元年遷征南將軍五年轉大司馬後以疾爲光祿大夫尋出爲兗州刺史進爵爲侯還爲散騎常侍十一年病卒子奉叔舅力絕人隨盤龍征討所在暴掠鬱林在西州奉叔密得自進及卽位與直閣將軍曹道剛爲心膂隆昌元年出爲持節都督青冀二州軍事時帝謀誅宰輔故出奉叔爲外援高宗慮其一出不可復制與蕭詵謀稱敕召奉叔於省內殺之

周顒

按南齊書周顒傳顒字彥倫汝南安成人晉左光祿大夫顒七世孫也祖虎頭員外常侍父恂歸鄉相顒少爲族祖所知蕭惠開攜入蜀爲厲鋒將軍還都宋明帝頗好言理以顒有辭義引入殿內親近宿直帝所爲慘毒之事顒不敢顯諫輒誦經中因緣罪福事帝亦爲之小止元徽初出爲剡令轉齊臺殿中郎建元初爲山陰令還爲文惠太子中軍錄事參軍顒音辭辯麗出言不窮官商朱紫發口成句汎涉百家長於佛理著三宗論於鍾山西立隱舍休沐歸之轉太子僕遷中書郎轉國子博士卒官

周洽

按萬姓統譜洽南齊曲阿令廉約無私視民如子後

擢都水使者卒之日無以爲殯吏民買棺葬之

梁

周捨

按梁書周捨傳捨字昇逸汝南安成人父顯齊中書侍郎有名於時捨博學多通起家齊太學博士梁臺建爲奉常丞高祖卽位召拜尚書祠部郎時天下草創禮儀損益多自捨出尋爲後陵令入爲中書通事舍人累遷鴻臚卿尚書吏部郎太子右衛率雖居職屢徙而常留省內日夜侍上預機密二十餘年未嘗離左右性儉素每入官府雖廣厦華堂閑閤重邃捨居之則塵埃滿積以荻爲鄣壞亦不營母憂去職服闋除侍中遷太子詹事普通五年卒二子弘義弘信

周興嗣

按梁書周興嗣傳興嗣字思纂陳郡項人漢太子太傅堪後也高祖凝晉征西府參軍宜都太守興嗣世居姑孰年十三遊學京師積十餘歲遂博通記傳善屬文齊隆昌中舉秀才除桂陽郡丞高祖革命興嗣奏休平賦其文甚美高祖嘉之拜安成王國侍郎擢員外散騎侍郎遷給事中普通二年卒

陳

周文育

按陳書周文育傳文育字景德義興陽羨人也少孤貧本居新安壽昌縣姓項氏名猛奴年十一能反覆游水中數里跳高五六尺義興人周蒼爲壽昌浦口戍主見而奇之養爲己子及蒼秩滿還都見於太子詹事周捨請製名字捨因爲立名文育字景德教之騎射司州刺史陳慶之與蒼同郡素相善使蒼將五

百人慰勞白水蠻戰死文育馳取其尸賊不敢逼後與杜僧明攻廣州為高祖所敗赦之分麾下配焉高祖討侯景文育為前軍有功高祖表為府司馬封東遷縣侯累遷智武將軍進爵壽昌縣公廣州刺史蕭勃舉兵踰嶺詔文育討之廣州平以功授鎮南將軍江州刺史與王琳戰沌口為所執逃歸尋授使持節散騎常侍開府儀同三司及周迪破余孝頃孝頃子公慶弟孝勳猶據舊柵扇動南土高祖復遣文育及周迪等討之豫章內史熊曇朗亦率軍來會迪等敗績文育退據金口曇朗因其失利謀害之子寶安嗣文育本族兄景曜因文育官至新安太守

周鐵虎

按陳書周鐵虎傳鐵虎不知何許人也梁世南渡膂力過人梁河東王肅譽板為府中兵參軍侯景之亂元帝于荊州遣世子方等代舉拒戰大捷鐵虎功最及王僧辯討譽于陣獲鐵虎從戰有功元帝承制授仁威將軍封沌陽縣子又從僧辯克定京邑承聖二年以前後功進爵為侯高祖誅僧辯鐵虎率所部降紹泰二年遷散騎常侍嚴威將軍尋隨周文育西征王琳于沌口為琳所擒見害于瑜嗣

周敷

按陳書周敷傳敷字仲遠臨川人也為郡豪族敷形貌眇小如不勝衣而膽力勁果侯景之亂鄉人周續合徒眾以討賊為各俄而部下爭權殺續以降周迪迪素無簿閱恐失眾心倚敷族望深求交結敷事迪甚恭迪大憑仗之侯景平梁元帝授敷信武將軍封西豐縣侯高祖受禪王琳據有上流余孝頃等與琳

黨共圍周迪敷大致人馬以助迪迪擒孝頃等王琳平授平西將軍豫章太守是時南江酋帥並顧戀巢窟不受召唯敷獨先入朝天嘉二年詣闕進號安西將軍令還鎮豫章周迪以敷素出己下趨致顯貴深不平乃舉兵反世祖遣章昭達征迪敷從軍至定川縣與迪相對迪給敷共立盟誓敷許之方登壇為迪所害諡曰脫子智安嗣敷兄象共敷據本鄉亦授臨川太守

周晃

按陳書周晃傳晃字文昭汝南安城人也祖疆齊太子舍人父靈起梁通直散騎常侍晃少豪俠任氣有將帥才梁大同中為通直散騎侍郎太清元年出為弋陽太守侯景之亂元帝承制改授西陽太守封西陵縣伯景遣兄子思穆據守齊安晃擒斬之承聖元年遷江州刺史進爵為侯高祖踐祚王琳擁據上流晃以州從之為侯安都所敗擒送都世祖釋晃授戎威將軍定州刺史太建五年改封龍源縣侯其年隨都督吳明徹北討所向克捷齊遣尚書左丞陸騫以衆二萬出巴斬與晃相遇晃大敗騫軍進攻巴州克之定州刺史田龍升叛入于齊令晃為江北道大都督討龍升斬之進號平北將軍太建八年卒官諡曰壯子法僧嗣官至宣城太守

周弘正

按陳書周弘正傳弘正字思行汝南安城人晉光祿大夫顗之九世孫也祖顯齊中書侍郎父寶始梁司徒弘正幼孤及弟弘讓弘直俱為叔父捨所養年十歲通老子周易起家梁太學博士歷曲阿安吉令普

通中初置司文義郎直壽光省以弘正為司義侍郎累遷國子博士時於城西立士林館弘正居以講授聽者傾朝野焉弘正知元象大同末嘗謂弟弘讓曰國家厄運數年當有兵起及梁武帝納侯景弘正曰亂階此矣王僧辯討侯景弘正與弘讓自拔迎軍授黃門侍郎直侍中省江陵陷通歸京師太平元年領國子祭酒高祖受禪授太子詹事高宗即位遷特進太建五年授尚書右僕射尋敕侍東宮講論語孝經六年卒

周弘讓

按陳書周弘正傳弘正弟弘讓性簡素博學多通天嘉初以白衣領太常卿

周弘直

按陳書周弘正傳弘正弟弘直字思方解褐梁太學博士元帝承制授世子長史尋除智武將軍歷邵陵零陵太守雲庵將軍昌州刺史王琳之舉兵也弘直在湘州琳敗乃還朝天嘉中歷國子博士尚書左丞領祕書監掌國史遷太常卿太建七年卒

周迪

按陳書周迪傳迪臨川南城人也少居山谷有膂力能挽強弓侯景之亂迪宗人周續起兵迪從之續所部渠帥殺續推迪為主迪乃據有臨川之地梁元帝授迪壯武將軍封臨汝縣侯未定二年以功加平南將軍開府儀同三司世祖嗣位微迪出鎮益城迪不至陰與雷異相結及王師討異迪疑懼不自安乃使其弟方興襲周敷三年世祖使吳明徹督軍討迪迪衆潰乃脫身踰嶺復收合出東與世祖遣都督程靈

洗擊破之迪又竄於山穴中臨川太守駱牙誘出斬之

周寶安

按陳書周文育傳文育子寶安字安民年十餘歲便習騎射以貴公子驕蹇遊逸及文育繫於王琳寶安便折節讀書綏御文育士卒甚有威惠除員外散騎侍郎文育爲熊曇朗所害徵寶安爲猛烈將軍領其舊兵仍令南討世祖即位深器重之天嘉二年重除雄信將軍吳興太守四年授持節都督南徐州諸軍事徵爲左衛將軍尋以本官領衛尉卿天康元年卒諡曰成子君嗣

周確

按陳書周弘正傳弘正弟弘直弘直子確字士潛解褐梁太學博士高祖受禪除尚書殿中郎高宗即位授東宮通事舍人歷太子中庶子尚書左丞太子家令至德元年授太子左衛率中書舍人遷散騎常侍行揚州事爲政平允稱爲良吏遷都官尚書禎明初卒

周碧

按陳書周文育傳文育子寶安寶安子碧歷晉陵定遠二郡太守大建九年卒

北魏

周幾

按魏書周幾傳幾代人也父干有功太祖之世賜爵順陽侯坐事死幾少以善騎射爲獵郎太祖即位爲殿中侍御史掌宿衛禁兵神瑞中并州饑民遊食山東詔幾鎮博陵之魯口以安集之後爲寧朔將軍拒

劉裕以功賜爵交趾侯世祖以幾有智勇遣鎮河南威信著于外境卒于軍諡曰桓子步襲

周觀

按魏書周觀傳觀代人也驍勇有膂力每在軍陳必應募先登以功進爲軍將長史賜爵安川子神鼎中討蠕蠕大獲增爵爲侯從征平涼進爵金城公觀善撫士卒號有威名真君初詔觀統五軍西討禿髮保周於張掖徙其民數百家將置於京師至武威輒與諸將私分之世祖大怒黜觀爲金城侯出除平南將軍秦州刺史撫馭失和民薛永宗聚衆于汾曲以叛觀討末宗爲流矢所中遂卒世祖怒絕其爵

周澹

按魏書周澹傳澹京兆鄴人也爲人多方術尤善醫藥爲太醫令大宗嘗苦風頭眩澹治得愈由此見寵位至特進賜爵成德侯神瑞二年京師饑朝議將遷都鄴澹與博士祭酒崔浩進計論不可之意太宗大然之泰常四年卒諡曰恭

周豆

按魏書周觀傳觀子豆長樂太守

周驢駒

按魏書周澹傳澹子驢駒延興中位至散令

周安國

按魏書周幾傳交趾侯幾子步步子安國襲爵太和

北周

周惠達

按周書周惠達傳惠達字懷文章武文安人也父信

少仕州郡以廉能稱惠達幼有志操好讀書美容貌見者莫不重之魏齊王肅寶貴爲瀛州刺史召惠達在閣中甚禮之及寶貴還朝惠達隨入洛陽孝昌初寶貴反既敗人悉逃散惟惠達等數人從之賀拔岳獲寶貴送洛留惠達爲府祭酒岳爲侯莫陳悅所害惠達遁入漢陽悅平歸太祖用爲府司馬封文安縣子太祖出鎮華州留惠達知後事於時既承喪亂庶事多闕惠達營造戎仗儲積食糧簡閱士馬以濟軍國之務時甚賴焉爲安東將軍拜太子少傅進爵爲伯尋除中書令進爵爲公四年拜吏部尚書自關右草創禮樂缺然惠達與禮官損益舊章至是儀軌稍備尋拜儀同三司十年薨子題嗣

隋

周搖

按隋書周搖傳搖字世安其先與後魏同源初爲普乃氏及居洛陽改爲周氏曾祖拔拔祖右六肱俱爲北平王父恕延歷行臺僕射南荊州總管搖少剛果有武藝仕魏官至開府儀同三司周閔帝受禪賜姓車非氏從帝平齊每戰有功超授柱國封夔國公未幾拜晉州總管高祖受禪復姓周氏開皇初突厥寇邊拜爲幽州總管後六載徙爲壽州以年老乞骸骨歸終於家諡曰恭

周羅睺

按隋書周羅睺傳羅睺字公布九江尋陽人父法嵩仕梁冠軍將軍始興太守羅睺年十五善騎射好鷹狗陳宣帝時以軍功授開遠將軍後從吳明徹與齊師戰勇冠三軍十一年授使持節都督霍州諸軍事

平山賊十二洞除右軍將軍始安縣伯出爲晉陵太守進爵爲侯至德中除持節都督南州諸軍事還除太子左衛率晉王廣之伐陳也都督巴峽緣江諸軍事陳主被擒羅喉與諸將大臨三日放兵士散然後迺降高祖慰諭之其年秋拜上儀同三司進位大將軍煬帝即位授右武侯大將軍漢王諒反詔副楊素討平之其年冬帝幸維陽陳主卒羅喉請一臨哭帝許之縗絰送至墓所葬還釋服而後入朝帝甚嘉尚世稱其有禮時諒餘黨據晉絳等三州未下詔羅喉進兵圍之爲流失所中卒於師諡曰壯子仲安官至上開府

周法尚

按隋書周法尚傳法尚字德邁汝南安成人祖靈起梁直閣將軍義陽太守父昇定州刺史法尚少果勁有風概好讀兵書年十八爲陳始興王中兵參軍父卒後監定州事數有戰功遷散騎常侍封山陰縣侯以其兄法僧代爲定州刺史法尚與長沙王叔堅不相能叔堅言其將反陳宣帝執禁法僧欲取法尚法尚遂歸於周宣帝甚優寵之拜開府順州刺史封歸義縣公高祖受禪拜巴州刺史遷衡州總管歲餘轉黃州總管及伐陳之役以行軍總管諫秦孝王陳刺史熊門超拒戰擊破之擒超尋遷永州總管十年轉桂州總管煬帝嗣位轉定襄太守時帝幸榆林法尚朝於行宮拜左武衛將軍出爲燉煌太守遼東之役以舟師指朝鮮會楊元感反與宇文述來護兒等破之明年復臨滄海在軍疾終諡曰僖有子六人長子紹基靈壽令少子紹範最知名

唐

周積

按萬姓統譜積金壇人未徵間四境盜起積糾合鄉人拒之衆寡不敵賊誘之從爲亂積怒曰恨不斬汝萬段肯從汝爲賊耶遂手刃數十人自刎死事聞於朝封爵立廟至今祀之

周允元

按唐書豆盧欽望傳周允元字汝良豫州安成人自右肅政御史中丞拜檢校鳳閣侍郎武后宴宰相詔陳書傳善言允元曰恥其君不如堯舜武三思劾奏語指斥后曰聞其言足以誠安得爲過卒贈貝州刺史

周興

按唐書來俊臣傳時有周興者萬年人少習法律自尚書吏積遷秋官侍郎屢決制獄文深峭妄殺數千人

周思茂

按唐書元萬頃傳武后諷帝召諸儒論議禁中太子舍人周思茂與選思茂漳南人與弟思鈞早知名累遷麟臺少監崇文館學士垂拱中下獄死

周利貞

按唐書周利貞傳利貞亡其系武后時調錢塘尉神龍初擢累侍御史諸附權彊武三思亂禁中五王謀誅之私語崔湜湜反以其計告三思五王貶湜勸速殺之以絕人望問誰可使以利貞對利貞湜內兄也表攝右臺侍御史馳嶺外矯殺敬暉桓彥範袁恕己還拜左臺御史中丞先天初爲廣州都督顓事剝割

蠻獠苦其殘害皆起爲寇貶涪州刺史開元初起爲辰州長史朝集京師與魏州長史敬讓皆奏事讓

之子也以父冤越次奏利貞希姦臣意枉殺先臣暉復貶利貞邕州長史未幾賜死梧州

周憬

按唐書王同皎傳武三思恣濁王室同皎惡之與張仲之祖延慶周憬李俊冉祖雍謀須武后靈駕發伏弩射殺三思會播州司兵參軍宋之愚以外妹妻延慶之愚子曇得其實之愚兄之間嘗舍仲之家亦得其謀令曇密語三思三思遣俊上急變帝不曉大怒斬同皎憬遁入比干廟自刎死

周待選

按曲阜縣志待選平州盧龍人元宗時爲魯城令安祿山叛率縣人拒戰死之

周智光

按唐書周智光傳智光少賤失其先系以騎射從軍起行間爲裨將魚朝恩薦之累遷同華二州節度使永泰元年吐蕃寇奉天智光邀戰澄城破之逐北至鄜州素與杜冕仇時冕屯坊州家在鄜智光害冕宗屬大曆二年帝詔郭子儀密圖之子儀得詔聲言計之未行其衆大攜部將李漢惠自同州降子儀乃貶智光澧州刺史聽百人隨身尋爲帳下斬其首并斬子元耀元幹來獻詔梟首皇城南街

周匡物

按萬姓統譜匡物字箴本漳州人郡未有業儒者匡物兄匡著擢貢元進士而匡物復擢進士官至高州刺史唐世郡人登科者始於匡物兄弟